

AUTUNNO IN BARBAGIA

DURGALI 30 CABUDANNI-1°SANTUGAINE 2023

DIRETIVAS PRO S'ACUMPRIMENTU DE SA MANIFESTATZIONE

- 1) Sas fainas in intro de sas Cortes divent tènnere unu **acàpiu istrintu cun sa traditzione e sa cultura de sa bidda nostra** (francu sos ispetàculos e sas àteras formas de ispàssiu in caminu, de cuncordare cun s'Organizadore). Cheret **una posada dèghida**, lassende amisturos cun materiales o trastos chi non b'intrant cun su cuntestu o, si est su casu, trastochende-los. Mescamente, **est pretzisa sa presèntzia in totu sas Cortes, de mustras de traballos artesanos de medas genias** (es.: pasta frisca, duches, pane, jocos de casu, antigas artes artesanas, traballos feminiles comente recramos, telàrgiu, etc.). Chie aderit s'impinnat a **descriere in su mòdulu de adesione sas fainas chi benint dae sa bèndida**(es. dimustratziones, rapresentatziones, testaduras, ispàssiu e ispetàculu, laboratòrios etc.) chi cheret propònnere in sa Corte.
- 2) In cada Corte **sa bestimenta de sas pessones interessadas devet qiùghere elementos de su costùmene locale** (màscrinu e/o femininu) in una de sas tantas formas suas: dae su bestire "fitianu", a sos bestires traditzionales de sos mastros, o a su bestire de isposa e de sas dies nòghidas prus importantes.
- 3) Sos esponidores (amantiosos, P. IVA, bendidores, assòtzios) s'ant a ammittere petzi si residentes in sa Comuna de Durgali.
- 4) Sas fainas de sumministru de alimentos acumpridas in intro de sa manifestatzione divent tènnere unu **ligàmene istrintu cun sa traditzione e sa cultura agroalimentare** de sa bidda nostra.
- 5) Chie aderit s'impinnat a **si cunfrontare, in antis de s'adesione, cun s'ufitziu SUAP** pro s'atzertere de pòdere otènnere in tempus totu sas autorizatziones netzessàrias pro lege. S'Organizatzione s'incàrrigat de averiguare, a pustis de sa presentada de sas dimandas e casumai custas siant in nùmeru esageradu, cales e cantos puntos ristoro autorizare, in aplicatzione de su printzipiu de favore per le attsosvsostà regolarmente sossosostte alla CCIAA e al princospsoso dsos rotazosone.
- 6) Chie aderit s'impinnat a **respetare** sos disponimentos cumandados **dae sa diretzione artìstica de s'eventu**, pro rèndere cantu prus tipicu e fidele s'acumprimentu de s'eventu.
- 7) Su servitziu e s'ammàniu de su màndigu de su "puntu ristoro" devet acotèssere, cun preferèntzia, in intro de unu locale o de una Corte privada. **Non si podent pònnere in tretos pùblicos ispinas de birra e puntos pro coghinare màndigos.**
- 8) Si in casu esseret netzessàriu a pedire un'ispàtziu in tretos pùblicos, est netzessàriu a si cunfrontare, in antis de s'adesione, cun s'amministratzione comunale. Sa dimanda de ocupatzione de tretos pùblicos pro sa bogada de sos pastos est fata dae s'Ufitziu Tributos, cun in antis verifìca de s'organizatzione de s'idoneidade de sos ispàtzios, a su fine de evitare interferèntzias cun àteras cortes o àteros esertzìtzios cummertziales abertos.
- 9) Sa manifestatzione "Autunno in Barbagia" est "plastic free" (D. Lvo 8.11 2021, n. 196), duncas cheret a impreare petzi trastos cumpostàbiles;
- 10) Est proibidu de su totu **a mantènnere bèstias agorradas e in cunditzones no in lìnia cun sos inditos pro su bene de s'animale**, de ofèrrere in prèmiu, bìnchida o àteru in su tempus de sa manifestatzione.
- 11) Aderende a sa manifestatzione, b'est s'impinnu a dare cara **mescamente a sa calidade de s'oferta**, chi devet èssere de primore.
- 12) S'Organizatzione at a controllare cada una de sas Cortes e at a averiguare si currispondent sas fainas declaradas in su mòdulu de adesione cun sas presentes/realizadas gasi etotu. Si in casu si deverent cumproare iscostiamentos mannos respetu a cantu declaradu in su

mòdulu de adesione, s'Organizatzione s'abbandat s'esclusione de su puntu ristoro o de s'espositore de sa manifestatzione.

- 13) Sos **oràrios de abertura e serrada** de sas Cortes divent èssere respetados pro totu su tempus de sa manifestatzione (de sas oras 10:00 a sas oras 24:00, cun possibilidade – pro chi bolet – de serrare carchi ora in antis ma non in antis de sas oras 21:00).
- 14) Chie aderit est e abarrat s'unicu responsabile de su respetu de sa normativa regionale/natzionale relativa a sa faina pròpia, fintzas in contu fiscale. Cun sa sutiscrittione de su mòdulu allegadu, s'aderente pesat s'Organizatzione dae cada e cale si siat responsabilidade chi potzat derivare de su cumportamentu suo e/o de sas atziones suas o omissiones in su de s'acumprire de sa manifestatzione.
- 15) A su fine de promòvere e difùndere in sos vàrios canales de comunicatzione sas imàgines de sos esponidores e de sos produtos/traballos, est cussigiadu de presentare – paris cun su Mòdulu de partetzipatzione – a su mancu 3 fotografias de sa Corte/aparitzamentu/produtos. Sa sutiscrittione de su Mòdulu de adesione balet – a cada efetu e resone de lege – comente liberatòria pro s'impreu de custas imàgines pro parte de s'Organizatzione pro promòvere s'eventu. Sos mòdulos de adesione podent èssere cunsignados a manu a s'Ufitziu Protocolu de su Comunu de Durgali **non prus a tardu su 5 cabudanni 2023**. Pro dimandare, si in casu, informatziones e crarimentos, si podet cuntatare s'Ufitziu Turismu de sa Comuna a su nùmeru 0784 927221 o a sa mail turismo@comune.dorgali.nu.it e a sa Pro Logo a s'indirizzu mail: proloco@enjoydorgali.it